

四庫全書

集部

欽定四庫全書

集部

陶山集卷一至四

詳校官庶吉士臣初喬齡

侍讀臣孫球覆勘

總校官編修銜臣朱鈐

校對官編修臣錢樾

謄錄監生臣周以勳

欽定四庫全書

集部三

陶山集

別集類二 宋

提要

臣等謹案陶山集十四卷宋陸佃撰佃有埤雅已著錄此集據書錄解題本二十卷歲久散佚今以永樂大典所載哀為十四卷蓋僅存十之七矣佃本受學於王安石故埤雅及

爾雅新義

案爾雅新義久佚今散見永樂大典中訛脫斷爛殆不可讀

多

宗字說然新法之義獨斷斷與安石爭後竟  
入元祐黨籍安石之沒佃在金陵為文祭之  
推崇頗過然但叙師友淵源而無一字及國  
政元祐初預修神宗實錄亦頗為安石諱數  
與史官辨爭是外補然徽宗初召還復用佃  
仍欲參用元祐舊人復與時宰齟齬而罷盖  
其初悞從安石遊故牽於舊恩文字之間不  
能不有所假借至於事關國計則毅然不以

私廢公亦可謂剛直有守者矣。佃既以新法忤安石，不復問以政事，惟以經術任之。神宗命詳定郊廟禮文，佃實主其義。今集中所載諸篇是也。其他文字，勘以史傳所紀，亦皆相符。惟元豐大裘議，集稱佃為集賢校理，史乃稱同列，皆侍從，佃獨以光祿丞居其間，當為宋史之訛。又佃紹聖初落職，知秦州，亦為字。謝表有海陵善地，淮甸近州，語史乃稱知秦

州亦為字悞殆修宋史時其集已不甚顯歟  
佃所著有禮象諸書當時以知禮名集中若  
元豐大裘議諸篇大抵宗玉而黜鄭理有可  
通不妨各伸其說惟其中自出新意穿鑿附  
會者如以特牲饋食禮饔饗在西壁主婦視  
饔饗於西堂下為在廟外引爾雅門側之堂  
謂之塾饔饗在廟門外之堂堂下今以儀禮  
考之燕禮曰小臣師一人在東堂下大射儀

曰賓之弓矢與中籌豐皆止於東堂下賓之  
矢則以授矢人於西堂下公食大夫禮曰小  
臣東堂下士喪禮曰饌於東堂下既夕禮曰  
設於東堂下少年饋食禮曰司官漑豆籩  
勺爵觚觶几洗於東堂下凡此諸條俱未有  
以東西堂為東西塾之堂者士冠禮曰具饋  
於西塾聘禮曰擯者退負東塾而立又曰擯  
者退負東塾又曰出門西面於東塾南士喪

禮曰卜人及執爇者在塾西士虞禮曰七俎  
在西塾之西特牲饋食禮曰筮人取俎於西  
塾凡此諸條俱未有稱東西塾為東西堂者  
又士冠禮曰適東壁士昏禮曰退適東壁亦  
無以為在廟門外者佃之說殊為牽合佃又  
謂北堂有北壁考大射儀工人士與梓人升  
下自北階注曰位在北堂下既有北階明知  
其無北壁佃弗及考詳而輕詆賈疏亦為未



允至謂楊襲之襲從龍龍衣為襲則又附和  
字說而為之尤無足深詰矣方回瀛奎律髓  
稱胡宿與佃詩格相似宿詩傳者稍多佃詩  
則不槩見惟詩林萬選載其送人之潤州一  
首瀛奎律髓載其贈別吳興太守中父學士  
一首能改齋漫錄載其韓子華挽詩一聯而  
已今考永樂大典所載篇什頗夥大抵與宿  
並以七言近體見長故回云然厥後佃之孫

游以詩鳴為南宋與尤袤楊萬里范成大並稱雖得法於茶山曾幾然亦喜作近體家學淵源殆亦有所自來矣乾隆四十七年十一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

集部三

陶山集目錄

別集類二 宋

卷一

五言古詩一首

七言古詩三首

五言律詩十五首

五言排律詩一首

七言律詩三十八首

卷二

七言律詩七十八首

卷三

七言律詩六十三首  
五言絕句四首

七言絕句二十一首

卷四

劉子十三首

狀八首

卷五

議二首

卷六

議四首

卷七

表二十首

卷八

表二十二首

卷九

經解四首

策一首

策問十二首

卷十

制二十六首

卷十一

叙論一首

序四首

書後二首

記四首

卷十二

書六首

卷十三

啓二十九首

祝文十一首

祭文六首

卷十四

誌銘九首

卷十五

誌銘十六首

卷十六

誌銘七首

墓表三首

行狀二首



欽定四庫全書

陶山集卷一

宋 陸佃 撰

五言古詩

依韻和毅夫新栽梅花

誰賦梅花詩擬繼三百五昔聞林居士幽棲賁巖塢瓊  
章雖在人玉樹已埋玉湖山今寂寥五雲謾無雨夫君  
擅文章頗以詩自許芬芳春草生光芒夜珠吐人間再

生島名在詩書圃錦囊貯西施佳麗生百媚翱翔道家  
山文采動人主陽春定能和白華應可補後生誰敢當

柏直口尚乳

案漢書高帝紀問大將誰也對曰柏直上曰是口尚乳臭此詩節取成句原本訛柏

直為相值  
今校正

老夫幸未疲腰劍猶能舞

### 七言古詩

#### 贈王君儀

嘗思孔子昔在世門生弟子三千人大哉卷舒聖人道  
弦歌講誦鄒魯濱立身非以利欲誘至誠惟學義與仁

雍容德藝愈磨厲烜赫光輝彌日新追塵力行慕汲汲  
忘疲善誘思循循外榮豈就卿相位內樂惟知探道真  
所以萬世作師法望之仰之如北辰吾嘗苦愛孟子語  
淵源事業醇乎醇得君達欲善天下陋巷窮惟周一身  
當時舉世謂迂闊進退何妨吾屈伸紛紛流俗何足託  
以道優游能自遵瞥然顧彼萬鍾祿有如聚散空中雲  
乃知君子所為學志將憂道不憂貧君儀建德一儒士  
篤學滄溟陶粹純年強有志闢邪說氣壯力苦鋤荆榛

放出森森梓杞材秀枝爛漫敷青春讀書侵暮即然燭  
為文夜坐常達晨誰憫顏瓢啖藜藿自憐范甑生埃塵  
每云外物未嘗恤披卷動能經累旬有時揮筆瀉霖雨  
但聞霹靂飛車輪雲開霧散卻晴霽清風淅淅無纖塵

案此句用  
韻與前複

佳花美木競妍秀高山遠岫皆嶙峋有時高

談傾耳聽又如天馬超崑崙回顧駑駘百千輩疲筋竭  
力安可羣我嗟才識頑且鄙書齋日得相依親勤勤顧  
子能如此固宜使人長書紳

依韻和孫勉教授

汝陰先生學雖興官職冷靜真如冰門前鳥雀可羅網  
甌中埃墨隨炊蒸收拾人才妙長養落筆雖誤猶成蠅  
至于敗羣亦不受畫脂徒費知難疑從來說詳富學海  
發揮春秋破曖曖仲舒玉杯足瑕類中散珠船不光彩  
原註中散  
謂王微之著書固知非一日作詩又欲重千載公卿爭  
迎為上客信知淮楚文章伯應許曹參避正堂未甘賈  
誼虛前席男兒富貴固有時如何宦達微愆期袞衣繡

裳畢竟在祇是即今髭鬢改平生耿介性不容凜凜勁  
節凌秋風金華中丞最稱賞惜也未老先龍鍾去人闔

棺命云促浮生瞬息風中燭

原註華老尤稱重誠之

華粵飄零不

得歸涕淚數行悲手足顧予未放雪滿顛乞得清潁如  
升仙喜聞故人在學校宛若見面初開牋揚州騎鶴未  
足羨便欲共醉花中間西湖風景事事好不似吳越惟  
無山海棠方恨我來遲君欲歸去將何之期向聖時同  
盡瘁况復交情淡如水他年若和原註去聲傳說莫免使鹽

梅鼎顛趾

依韻和李知剛黃安見示

蔣山鱗鬣蒼嵯峨參伐可捫斗可摩建康開府占形勝  
千檣萬舳來江艤憶昨司空駐千騎與人傾蓋腸無他  
有時偃蹇枕書臥忽地起走仍吟哦諸生橫經飽餘論  
宛若茂草生陵阿發揮形聲解竒字豈但晚學池中鵝  
余初聞風裏糧走願就秦扁醫沈疴登堂一見便稱許  
暴之秋陽濯江沱夜深歸來學舍冷鼓吹有蛙更聞鼃

曾參捉襟肘屢見回也葷食傾瓢蠡誰云寒儒偶遭遇  
馳道馬疾搖鳴珂因緣乞郡得金印關吏雖識難誰何  
邇來二紀世已換仙棊一局真爛柯孔林父子久同葬  
謝安墩在空坡陀顧瞻思賢有儀象挂壁未去聊隨梭  
中年觸緒易感慨賴有二子相經過隴西家兒信竒偉  
美玉在巖珠在波慙非冰清託之女亭亭松柏垂蔦蘿  
黃生初來似蠶蠋被絲纏裏今成蛾磨礮爪距擅場屋  
擬與羣俊爭殊科惟黃與李豈易得一二自抵三千多



回思爭雄六戰國競致賓客尋干戈黃金築臺禮郭隗  
玉盤進手延荆軻雞鳴狗盜何足數雖欲定霸終蹉跎  
大哉皇宋聖人出日月雙麗君臣和歲時金穰玉燭潤  
紀功泰山崖可磨平生慷慨慕荆國自誓中立無邪頗  
異時與子共勲業請效夔契賡堯歌

五言律詩

登塔

題寫看前輩躋攀接後塵日邊窺兩觀雲下念雙親宮

線徐添畫林花頓減春夕陽猶獨立萬慮入經綸

依韻和彭器資直講

歲久親談麈春深集試闈才名非畫餅科等是傳衣鶯  
稍遷喬出鴉應反哺飛羨君親膝近昨夜夢先歸

呈張邃明舍人

世掌絲綸美聲名壯紫微賜茶天上坐退食日邊歸簡  
在除書密時清諫疏稀佇公叅鼎席寰海望餘輝

思巖老呈彭器資

春遠下樓遲城高背落暉  
鶴鷓經歲別鴻雁幾時歸  
柳閣行人盡花殘驛使稀  
濠州在雲下深欲伴歸飛

寄龔深父給事

往歲手曾攜穿雲路欲迷  
蓬萊風引近靈鷲月飛低  
晝永暮相對春深鳥自啼  
別來真約在何事少書題

蘇丞相挽歌詞二首

樂易雖難老艱難亦備更高官  
誰不死厚德是平生曾負阿衡鼎  
仍調傳說羹須知夷險異高臥看南行

世德層層外年齡九九餘浪傳千歲字真記五車書帳  
冷閒金鴨泉深暗玉魚前時傳巖像今得幾分如

鍾評事挽歌詞

銀餅當年遇金鈎幾代收一經知教子千橘等封侯瘴  
雨松門夕悲風桂嶺秋江深人不見依舊水東流

馮朝奉挽歌詞

仕宦唯遭遇神仙信杳冥老年多感慨同榜半凋零附  
葬銘旌暗平生信史青須知玉川子傳後有添丁

公議郎中挽歌詞

愷悌雖平進艱難亦備更  
冰廳諳冷宦夢境過浮生  
雲海仙舟隔風旌粉字橫  
莫埋言行錄留著後人行

劉大卿挽歌詞

許國丹心壯傳家素節清  
葬無金椀送庭有玉棺  
迎紅幕賓朋散青囊宅兆成  
惟餘原上月猶是舊時明

陳夫人挽歌詞

鄰與鄰人卜門歸太史評  
忽隨雙佩失不見一珠成  
夢

入清都香船維彼岸輕空餘江上月依舊度牕明

魏國太夫人陳氏挽歌詞

漏逐晨鐘盡舟隨暮壑移文歸大家傳行在小星詩珠  
珮臨江失金丹渡海遲侍郎頭已白兒慕不勝悲

贈慈覺大師

講花天散陸醉草客爭收明月來相識孤雲學自由隙  
曠穿薄暮簷溜滴高秋不鎖西牕夢名山有舊遊

贈李柔得道士

傳得真人性長安久卜居嘆成西蜀雨換得右軍書

原註

一作桂林無雜樹鼠壤有餘蔬

酒散顛狂極香消寂寞餘更能盤礴畫

傳寫十分如

### 五言排律

再用前韻呈毅夫

案此所云前韻一首永樂大典缺載

洛陽曾識面穰下竟論交久若居蘭室初如食蔗稍故  
非偷姓孔誰敢僭名郊作事常師古當官肯代庖匪躬  
期蹇蹇夷行笑嚶嚶稷也真堯力參乎豈桀醜金樓傳

寶構雜俎當珍肴講舍推攸止賓筵絕載叟孫臆餘臘  
雪徐榻臥寒茭反舌宵鳴蝮長跼暖挂蛸即今除戶瑾  
那得曝簷茅遠夢方隨蝶輕綃擬換鮫歷來雙鳳闕律  
動半山坳草色揉藍染花名篆字鈔膘肥熊自撲香滿  
麝爭跑乳雉翔仍集鳴禽語漸勤柳將金自比楮與玉  
相清節應幽三日陽添泰一爻碧圓牽翠苻紅蕾破香  
苞鶯出求同志鴻歸學共胞形容當舞籥音韻中笙匏  
麗苑聞亡是熙臺亞有巢不材真是櫟何算信如筍交



淡非同醴流清豈為膠往來須倒載生滅任浮泡縱阻  
陳歌管猶容聽鐃鏡北牕寧獨臥南岳謾相嘲酒用陶  
巾漉詩須賀錦包儘教談塵盡仍取唾壺敲不向花前  
醉應慙薄荷貓

七言律詩

閒居示王君儀

五色文章爛錦開謾勞天女翦刀裁黃鶯窺水亭亭立  
白鳥投空遠遠來清晝光陰輸靜客碧雲岐路屬多才

金華山人詩集 卷一  
羨君直入文滄海探盡驪珠始肯迴

送諸張

就學經年客會稽父兄應久怪歸遲故知子學優來日  
想得人看勝舊時食蔗已甘佳境近為山纔止素功虧  
少年況有修身志莫為區區應舉移

依韻和尚用之秀才梅花二首

假借鉛華素不曾肯將桃李較衰榮向人有意如相識  
混雪無言恥自明青帝信音元苦遠素娥風調不勝清

愛君詩思誠高古，睥睨玄尊與太羹。

年年先發更誰曾，憔悴中間獨自榮。  
素豔得如人淡佇，暗香能共雪分明。  
銀河魄轉霜風耐，青冢魂歸月夜清。  
莫與將軍輕止渴，須知丞相要調羹。

送能協

禹門千尺晚登龍，稽古從來緩見功。  
清節蘊珠函柱白，高文浮蜃吐樓紅。  
落花正值行時盡，圓月還成別後同。  
寄字好憑魚上下，汴渠流水洛新通。

呈越州程給事

南海歸來請會稽錦衣新過浙江西暫違香案蓬萊小  
久擅詩名太華低花影欲重公事退鳥聲初鬧吏衙齊  
雲衢已怪朝天晚乘興無因訪剡溪

依韻和程給事留題法雲寺方丈

淨室兼容海衆臨維摩憔悴病仍侵且將燈續光明藏  
時見珠隨咳唾音素壁短碑深搯原註  
去聲玉畫簷新榜大

書金故溪曾指桃花記乘月何時更一尋

題適南亭呈程給事二首

子真仙去學喬松  
華宇經營得我公  
海近蓬瀛全彷彿  
山經樓閣半虛空  
一千里地簷前月  
九萬程天座上風  
從此鑑中登望好  
卻應渾勝水晶宮

參陪初見翦蒿萊  
頃刻疎紅戶牖開  
賀老湖光浮枕簟  
梅家山色染樓臺  
翠微已借雲根築  
青瑣仍供月影來  
聞說紫泥追詔近  
使星躔次傍三台

依韻重和再住法雲寺

案此云重和自有初和  
一首永樂大典缺載

聞說重來住法雲，舊緣香火一番新。  
桃花可認曾移主，鷓鴣還應不避人。  
腦玉幾陵虹氣勢，領珠長借月精神。  
何時乞得東南守，共禮黃金丈六身。

贈真戒大師

時訪城西長者家，欲將無定友煙霞。  
百函貝葉聽揮麈，一炷爐香看點茶。  
猿立砌臺偷落果，鳥穿簷柏獻新花。  
舊曾題處煩師護，肯學常流旋碧紗。

登塔望太行

浮圖千尺俯樓臺  
天地晴無一點埃  
日薄馬初經具次  
原註具茨之  
山一從具次風輕船稍近  
蓬萊遷移曾費愚公力  
分擘

寧煩巨掌開東北  
若無丘壘礙好同靈鷲卻飛來

依韻和彭器資直講二首

三年清苦下書帷  
諸子專門盛一時  
研盡錦砂重注易  
草殘饒紙謾箋詩  
鼓催閩越茶應早  
線引昭陽日漸遲  
侍講會須拌共醉  
狀元新約未差池

歸盡春風未得歸  
相逢還是落花時  
文衡仔細誇程石

飲量麤豪笑滿卮安穩鴛鴦多左翼低回烏鵲尚南枝  
稍尋前度曾遊處更覺新懷慰舊思

依韻和蕭惟申檢法同年

老驥如龍久屈盤追風消得用金鞵即今將相多同勝  
自古神仙有法官病起縱驚秋鬢改詩成猶伴夜珠寒  
他時直上三千里願看雲天一整翰

門下王相公南郊謝雪子敏甫學士監禮楊傑有  
詩次其韻



雪擁平田萬頃寬一郊和氣屬天官  
撒鹽久欲資調鼎成壁初疑捧上壇  
雀帶玉飛金屋煖龍和珠睡錦牕寒  
他年祠罷親陪燕應得屏風隔坐觀

依韻和元參政祈雨

翦爪七年矜久旱齋心三月愧疎雲  
地鍾潤澤來耕墾天借清涼入繡紋  
常膳鼎寒搖蕙蒲正衙爐煖和蘭薰

原註是日得雨上  
復常膳御正殿

越裳會見朝丹闕共識中原有聖君

次韻和曾子固舍人二首

閭闔晨開玉殿浮靈鼉不動海波柔是般仙果三千歲  
一樣春風四百州鸞扇影寒裁就月蜃爐香煖結成樓

從今不顧瑤池宴閒卻西巡八駿騶

原註右集英殿春宴呈諸同舍

平明下馬錦蒙鞍暫向飛廊一整冠行近柳陰移晝寂  
坐來花氣辟春寒別張翠幄黏絲絮更想金人捧鑊干

洛下少年今亦老宴遊無復似前歡

原註右上一巳日瑞聖園錫宴呈諸同

舍

資善堂御筵奉詔送陳資政出守邢州

共輔龍飛與五蛇一時恩禮有誰加  
華堂玉椀更傳酒便殿金瓶獨賜茶  
寶帶光芒腰下印繡衣形影幕中花  
平生自與韓公合名德應歸太史誇

呈王聖美

少談竒字客長安妙斲無人得郢墁  
兩鬢已秋陪後進

十年如夢守前官

原註公改中允十年矣

竹延西角東須徧梅發

南枝北尚寒

原註佃先聖美進職

從古晚成終大用扶搖行見海

鵬搏

依韻和章樞密景靈宮奉安列聖神御

綵輿同日會仙山  
金鎖晨開玉殿闕  
駕象法王趨側畔  
騎龍真祖護中間  
紫浮渭北衣冠氣  
紅壓終南袞繡顏  
更祝聖孫千萬壽  
奉祠長御景靈班

依韻和曾子開舍人從駕孟饗景靈宮四首

汎灑從誇雨點勻  
九天宮闕自無塵  
五更玉勒爭門入  
十里珠簾夾道陳  
薄宦即今雙鬢改  
從官還是一番新  
須知鸞駕重涓日  
不似春秋四卜辛

原註是時有  
音別選日

夏木陰清氣候勻  
平明鸞仗簇芳塵  
百年禮樂傳宮注  
萬國衣冠拱廟陳  
紅芍藥開迎晝永  
紫櫻桃熟奉時新  
天街自不容生草  
布屑由來枉用辛

三宮同日下雲萊  
帶曉千門萬戶開  
黃繖日隨清景駐  
玉爐風度暗香來  
眠當道路驅除柳  
守得宮庭委付槐  
亭午扇還新廟閣  
紫雲重複護周迴

脩廊圖畫列伊萊  
金碧旁看啓佑開  
山壓巨鼇初踔出  
宮隨靈鷲忽飛來  
瀟湘佇泣空留竹  
海岳遙趨想畏槐

聞說都人爭擁道鳳輿纔見第三迴

瓊林苑御筵奉詔送文太師致政歸西都四首

原註

元豐七年三月二日

案七年原本誤作元年攷

神宗本紀元豐三年文彥博為太尉九月加節鎮

六年十二月以太師致仕七年入覲三月辛丑宴

瓊林苑帝製詩以賜之與詩中節次相符今據以

改正

車後鷓鴣隨劍履帳前貔虎擁旌旄星環紫極三階正  
鼉立青天一柱高上苑金杯新錫餞下都銀鑰舊均勞  
重來更捧宸章爛華袞何如玉字褒

黃鉞新兼兩鎮雄至和前已冠三公傳將名德蠻夷外  
老卻年華將相中十雨變成堯壤厚五雲飛盡傳巖空

原註易飛候云視四方有大雲五色具而不雨則其下賢人隱矣

更聞定策刊彝鼎千

### 古英雄伏下風

太師勲業在丹書乞得身歸主眷殊五色詔容瞻鳳闕  
白雲篇不換蛇珠閒應物外神仙有健復人間將相無

明夜畫船回首處汴隄煙月柳千株

原註公歸上特令具船

黃金曾酌御尊餘恩禮何人更得如北極星辰趨觀闕

西京花木臥田廬手持宸翰春羅馥身入仙壺畫景舒  
八十為師精力在太公應愧齒先踈

興龍節口號

崇宋史哲宗紀帝  
生日為興龍節

祥雲好色近蓬萊列辟稱觴廣殿開樂奏九成丹鳳降  
香焚百和玉龍來三農臘雪方呈瑞萬國春風已暗迴  
共祝聖君千萬壽年年長奉白雲杯

興龍嘉節會簪纓步武蹌蹌鷺集庭拜笏競從花外見  
仙歌疑是夢中聽升平聖世真難遇醉飽君恩敢獨醒



同望闕庭稱萬壽慶雲中見老人星

依韻和王微之學士

坐籌國事尚才堪屈指同年祇二三  
昔醉鄉營別業如今仙籍換頭銜  
光陰老去猶能惜世事閒來不更談  
聞說進書歸祕閣絕勝流落在山巖

爾雅新義成查許國以詩見惠依韻答之二首

背未成鮫齒未鯢暫時來放五雲低  
初從荆國猶年少久待神皇見日躋  
近正鉛黃新眼目指南塵土舊輪蹄

愛君文采真難敵他日橫空是紫霓

探盡驪龍鑿盡鯢明珠未出價猶低晉人已覺螿蜚誤  
漢客仍從豹鼠躋到底錯薪須刈楚從來得兔要忘蹄  
他時若綴三經後五色雲中有紫霓

戲和鄭通叔仲春晨起

春來燕婉復鶯嬌不飲喉咽頓覺焦桃被臉深將露洗  
柳綠腰細得風饒船中載酒猶嫌少席上看花每恨遙  
可惜襄王今老矣不堪雲雨夢朝朝

送文太師再致政歸西都二首

原註元祐五年二月

太師天賦與人殊，除卻汾陽盡不如。  
萬乘有時前膝席，百官隨處避肩輿。  
鉅公多出陶鎔後，重事仍歸議論餘。  
聞說挂冠恩寵厚，恨無官職可教除。

乞身章疏竟難移，雙鎮辭來亦重違。  
絕域共驚吾父在，別都今喜我公歸。  
渭川士宦相先後，遼海人民半是非。

誰念昔曾陪祖帳，同時賓客坐中稀。

原註公元豐間致仕西歸，賜宴瓊林。

范今惟蘇子容并佃二人再預。

陶山集卷一

欽定四庫全書

陶山集卷二

宋 陸佃 撰

七言律詩

依韻和呈劉貢父舍人三首

鷓鴣朝來又集西  
駢鑣初卸錦障泥  
奪袍況有詩先捷  
倒玉何妨酒屢攜  
詔下競看花作判  
賦成曾借柳為題  
衣冠異日傳圖畫  
惟有三家盛事齊

酒半詩成日轉西  
驪珠纔抵一丸泥  
未饒白雪無人和  
不忿東山有妓攜  
班綴定應連玉荀  
姓名還得夢金題  
飛騰便見新官上  
傳語花開慎莫齊

三家成佛本來西  
共坐蓮胎出淤泥

原註舊謂知制誥為一佛出世

侍玉除還似約去  
腰金印定如攜慙  
勲鳥勸花前醉  
邂逅人逢葉上題  
縱有鳳毛傳序遠  
未應能似鴈行齊

用前韻呈蘇子容尚書

顰里從來敢效西  
龍門登日尚雲泥  
紫垣正掌絲綸美

絳帳初將杖屨攜

原註公在掖垣知貢舉  
佃始以門生登第

紅錦未酬青玉

案黃金應護碧紗題正堂若許曹參避願更虛心問相

齊

依韻和頓起郎中瓊林苑奉迎神主追懷同年兼

呈座主蘇丞相

清風明月本閒人鳳闕初來一幅巾淡墨姓名才烜赫  
橫金班綴偶叨塵鼎湖龍去池臺古遼海人歸冢墓新  
惟有蘇家老仙樹能將五百歲為春

送楊損赴黃陂主簿

詩酒相從祇歲餘，雲樓鳳閣在空虛。  
驪龍光燄隨尊俎，鸞鳳精神入簿書。  
內翰風流知有後，狀元門閥是當初。  
恨無一物堪持贈，梅未全開柳尚疎。

送虞太熙學士知太平州

黃塵初出國門東，楊柳青青畫隼紅。  
占得度關雲色異，想知登望月明同。  
曾傳嚼蠟風情外，更悟烹鮮政事中。  
聞說太平迎候遠，安排騎竹有兒童。



送致政邢定國通判

七十平頭便拂衣，舞雩風月有光輝。  
尋常薄飯猶能足，多少高官未肯歸。  
鷗鳥等閒還自樂，杜鵑容易重相違。  
想知遼鶴歸來早，城郭人民未盡非。

圓石

蒼仞千尋畫不如，信知韞玉勝懷珠。  
一卷會使民瞻峻，三品何妨主眷殊。  
看日謬煩鞭氣力，補天真待鍊工夫。  
寄聲欲取黃金印，雨後還曾墮鵲無。

送張頡待制帥瀛州

食貨方艱不忍籠長才宜有濟時功  
閣當龍馬圖書後  
錢入紅牙算子中  
音信定應隨朔鴈  
夢魂多擬託南風  
如何更講黃河策  
定取橫流副兩宮

送許遵少卿知潤州

丹陽太守舊名卿  
騎竹兒童夾道迎  
醉尹笙歌甘酒病  
謫仙風月苦詩情  
江湖天氣農桑早  
水竹人家枕簟清  
白首愛君心未已  
夢魂猶遶鳳凰城

題海岳樓贈米元章

千級仙梯第一層  
闌干常為水雲凭  
起為霖雨從膚寸  
活得魚龍用斗升  
鵬有程途知可到  
鼇非番次信難勝  
即今姓米仙人住  
雲母中間一片冰

依韻和青州程給事見寄

出守東州異故園  
臨歧花鳥共無言  
度關有客占雲氣  
箕野何人肖夢魂  
蘭辟白蟬書殿祕  
茅分青土社壇尊  
相望幾直蓬萊宿  
燈影寒籠月滿軒

送王柄教授

場屋論才昔議魁  
教庠官冷尚低徊  
靈龜縮甲專藏六  
老雉斜冠怯應媒  
半醉珠璣隨咳唾  
一方桃李待栽培  
塞垣錯莫風沙晚  
南北相望首重回

和巖老

遭遇何人更得如  
同時幾許待公車  
官清自可看奇字  
俸薄猶能寫異書  
千里水雲藏舊隱  
一番雷雨報新除  
自憐霄漢華塗穩  
鴻鴈橫飛序尚疎

依韻和查應辰朝散雪二首

三陽新已換三陰潤澤才踰一寸深無地得施調國手  
惟天知有愛民心霜毛一半渾如雪玉貌諸餘少似今  
且向尊前盡情醉不須辛苦問為霖

抱甕何人似漢陰一番膏潤及根深稍蘇南畝耕耘力  
甫逼東君造化心堪畫不應須到晚可收除是趁如今  
寶施若更施餘力豈獨坊名揭望霖

依韻和蔣津雪中見寄

蓬萊宮闕鎖崔嵬書史頻看祗亂堆華蓋稍瞻天北極  
紫雲曾識道東來功名方與英豪共懷抱仍逢故舊開  
造物為君如有意一番風雪洗浮埃

答張朝奉二首

太公年甲伯夷清早早休官樂盛明西子橫陳花一徑  
北牕高臥稻千城喜聞客去如多病老見春歸似薄情  
曾向先師得門戶不知何日煉丹成

一番相見一番清坐久精神轉更明詩裏欲投亡命社

酒邊甘在受降城此身到處堪乘興萬事由來枉用情  
試問仙翁多少壽定應三度見桃成

依韻和羅畸學錄

一番驚雷一番風巨魚看得化為龍

原註君登科日佃預攷校

銷殘

白日書千卷付與浮雲祿萬鍾珠玉貫穿成把握星辰  
羅絡在心胸怪來佳句清人骨正值溪寒雪滿峯

呈周承議兼簡通判簽判二首

政事相傳舊有經為州前後半台星歲教諸縣無公事

原註今秋陳蔡皆被水而潁獨豐登如常年

雨使佳人上使廳

原註大排以雨遂令升廳

酒行

太守未甘雙鬢白西湖惟欠遠山青經過況有風騷

將乞取篇章作畫屏

下車明日燕西湖醉倚高花不用扶鷗鳥便應知我意  
海棠今復恨公無佳人舞罷頭纏錦座客詩成咳有珠  
聖主若容長守此不妨生就白髭鬚

呈幕府諸公

十年騎馬困京塵乞得州來潁水濱苔蘚滿庭無字押



蓮花全幕是詩人

原註發判節推皆善詩嘗以新集見借

樓臺雪後如聞

雨歌舞尊前祇看春半刺會須拌共醉銀條方共德爭

醇

原註通判德性醇厚飲銀條酒至斗不亂

宴西湖用前韻呈諸公

十頃湖光辟盡塵女郎臺榭占沙濱杜鵑言語瞋為客  
楊柳腰肢瘦似人便擬曲留今夜月已知虛度去年春  
憑君為伴花前醉況復香醪特地醇

依韻和再開芍藥十六首

案此詩係佃守潁州時作第二首原註云今歲

閏月兩見中秋以哲宗紀攷之則元祐六年也是年佃初補外故詩中多寄託語

同時幾許已成空回首榮枯是夢中自昔一般稱國豔  
而今兩度嫁春風誰人與刻三年葉何事惟開十日紅  
試倚玉梯丹漢外為渠方便問元功

百花羞縮敢爭先雨露仍隨愛惜偏青帝擬教春一見

素娥留待月重圓

原註今歲閏月兩見中秋

相逢可惜非三月自歎

無因更少年終日倚闌看不足直須風雨送歸天

前來樓子妙凌空若比今生是下中曾與阿衡調鼎鉉

擬教周昉畫屏風再生檜老無多綠  
四季花凡一餉紅  
認得洛陽人未識信知天地有奇功

祇受姚黃一著先兒家元在郡西偏  
解殘珠佩迎新見  
尋得金鑲依舊圓一過馨香猶半日  
再來期約本明年  
向人自有凌雲意不羨城南尺五天

市井初傳為一空直疑伊洛謾當中

原註花譜云洛陽得天地之中故花

比他州別承仙掌非時露剩占薰弦幾日風  
自愧霜髭

特異難更黑誰憐粉面不長紅  
豈惟畫史愁傳貌兼使詩人

費盡功

一番風信作花先未必春工會黨偏玉杵買來容再覩  
金釵分與卻重圓幾回衆裏知誰似一墮人間有幾年  
我是玉皇香案吏可能相與便朝天

十方生滅盡虛空往往看花似醉中再見傾城彌愛日  
一聞絕代競趨風不知世逐仙棊換未免身歸爝火紅  
自斷此生真夢幻直須成佛是殊功

牡丹猶自欲推先傳語諸花莫恨偏淚眼始看金谷墜

指環尋伴玉簫圓

原註玉簫韋僕射妾後再生侍韋此其留別玉環隱然在指見雲溪子

身那復思前事半面猶應記往年畢竟得歸歸甚處玉樓深在九重天

誰言見慣是司空舊說揚州未必中可是兩三千處月

原註見揚州詩

能如二十五般風

原註此花再開又添一般風

依稀仙帳魂

今返遭遇神針肉更紅卻得蓬蒿遮蔽力便教重見太平功

詩成贏得錦袍先自是高才遣將偏稀遇仙丹時下熟

荐驚神女夢中圓丹梯直上三千級間氣于今五百年  
為報百花休暗恨便開三度也由天

春歸岑寂厭書空賴爾相陪酒屢中未必前身非叔子  
不應後至似防風賭留坐客排雙陸借與都人畫二紅  
須信年芳有虛發莫教楊柳誤前功

阿誰蓮步擬攬先相見從他次數偏曾學駐顏知藥喜  
免教渝約問著圓春風省識非平日昏霧中看類老年  
聞說上林今更好一如堯禹舊時天

來時賓客正談空更值僧齋飯一中

原註此花至日適齋薦福送與諸公

同看便擬商量歸慧日豫傳消息與香風夏蠶三葉空餘

綠秋木重花祇浪紅惟有此花花與子兩曾相見是神

功

姿貌新來勝日先託根何事得州偏起將玉骨靈符異  
分出金身覺性圓如不能言常竟日似曾相識是今年  
也應解笑山茶晚長占東南小雪天

諸縣豐登獄屢空珍祥如欲助升中不妨故故留連月

未到頻頻惱亂風  
向上鬱葱佳氣紫  
現前圓滿報身紅  
自今長許汾陽醉  
內外曾無總少功

發居衆後摘居先  
玉色無端稟賦偏  
華表卻歸仙夢遠  
寶陀重現瑞光圓  
少師花譜三千字  
吏部春詩二百年

原註花譜專論牡丹吏部獨無夏詩

兩處偶然渾忘卻  
不須惆悵對炎天

依韻和雙頭芍藥十六首

案此詩亦守潁州時作第十一首聊伴西湖地

主人句可證末一首云故應此戰今須解兵法曾教避不如正敘當日所以乞郡之意詩多寓言與

前篇

同



品格由來自出羣就中相竝轉驚人且同藥使求民瘼  
終與花王秉國均李廣無雙空自老崔徽有兩竟誰真  
因君翦寄和詩看始信人間別有春

怕草侵陵為翦除新詩應笑病尚書瀟湘煙水愁相對  
巫峽雲山欲獨居有客彈冠連茹進誰家高髻合歡梳  
年來太守雖加老為爾情懷亦自如

不與尋常草木羣看來端的好于人神仙比竝容顏似  
姊妹推排次第均浮薄未應隨世態靚妝渾似任天真

得他和氣知多少占盡河陽一縣春

曾與宮花傍玉除芳名消得用金書已教莊蝶雙雙引  
更伴台星兩兩居官樣自應能笑語家常誰欲做妝梳  
大都好物難摹寫未信屏風畫得如

白也雖云思不羣賦君猶有調高人更相汲引風流在  
各自芳菲雨露均因藥封王誰是假與花為后自應真  
思量消得黃金屋回首戎葵也是春

誰將花譜更刪除妙品須教末上書

案末上書未詳所  
出無別本可校姑

仍未必楚王曾夢見祇應青女解孀居行雲莫向中間  
之  
度新月纔成一半梳若使覺王今識汝蓮花寧復竝真  
如

竝驂鸞鶴下珍羣為愛詩人不避人半醉奈何非李白  
獨醒愁殺是靈均空花在處黏成妄草木何時鍊得真  
顧我無心爭彼此即令閑落任青春

盡日經營對廣除旁邊奴婢亦詩書俱飛蛺蝶渾相學  
共戲鞦韆祇竝居說著定應成膾炙買裁真是置篔梳

更嫌病眼無憑據細看元來玉不如

一經瞻顧遂空羣疑是同時解佩人曾對絲綸當禁掖  
終隨弦誦到成均有如一夢邯鄲假未始相離渾沌真  
可怪滿城尋國豔不知花在此中春

玉顏高竝向階除靜笑寒藤學草書未信東君無職事  
不慙西子是鄰居曾教王母藏青鳥擬問嫦娥借玉梳  
尊得花王威勢重也應知慕蘭相如

共拋花縣暫離羣聊伴西湖地主人豔粉兩應歸藻繪

香泥俱合在陶均  
雄風為借吹噓力  
雌霓叨蒙激賞真  
移在洞天深處種  
與誰同見八千春

幾時詩債許蠲除  
直待金雞放赦書  
神峽自來雲一片  
仙山多是玉羣居  
祇緣貌類欣臨鏡  
卻為情親忘見梳  
不怕飛泥侵妙質  
吾家斤斧正風如

神仙流品信難羣  
絕似人間兩麗人  
暫得借觀猶占久  
便教偷戴也分均  
原註莊子曰  
分均仁也  
祇邀竹葉相為伴  
更對

菱花自寫真

原註事  
見遺史

開向夏天緣  
底事算來多是不宜

春

桃筍無堪謾祓除  
芭蕉何事倒抽書  
鳳凰騎罷猶輕舉  
烏鵲橋成得燕居  
抵死勸持雕玉盞  
象生描在鏤金梳  
當時若使關氏見  
未怕平城刻得如

晚菘早韭謾連羣  
過眼終無愛惜人  
照日舞鸞情款曲

趁風飛燕勢停均

原註見  
九章術

名歸本草千方祕  
職在司花

一命真回首鳳凰  
城闕下倩誰移與  
後園春

曾伴長楊草詔除  
信知長合在中書  
暫違紫袖雙瞻立

聊伴紅裙一餉居，小子正狂心已醉。  
老奴猶愛髮方梳，故應此戰今須解。  
兵法曾教避不如。

依韻和門下呂相公從駕視學

案宋史哲宗紀元祐六年十月幸國

子監佃時在潁州故有侍臣獨恨身千里之語門下呂相公謂大防也

纁帛升龍日月章，平明鸞輅幸膠庠。  
侍臣獨恨身千里

邸報空看字數行，故事一遵皇考廟

原註仁宗有視學故事

餘波

仍及武成王，誰知玉尺橫。  
經處猶是當時舊，講堂

依韻和趙令時三首

百步廳邊放兩衙夜深燈火見人家提壺勸我教沽酒  
鸚鵡逢君要點茶舞得六么除是柳啼消紅粉奈何花  
使君被爾牽詩思可是無心憶浣紗

鳥排行陣樹排衙且喜西湖屬當家揚子已無騎鶴事

原註揚州既無湖榭勝

緊兼俸入今亦不厚會稽惟有臥龍茶

原註會稽州宅產茶雖及

殊品然去鏡湖頗遠

未妨春帝常為帝須信名花始是花更住一

年方五十不應情味薄于紗

方朔無端溺殿衙得州仍是地仙家海紅謾與陪尊酒



原註果實惟常見海  
紅在筵應以耐久

淮白猶堪當分茶

原註茶雖不及  
京師而淮魚甚

美  
夜靜青天十分月春深平地尺餘花誰將園裏新蜂

螻織就佳人護項紗

依韻和趙令時

爭標才氣兩相高不獨詩豪酒亦豪戰得蟻酣成後殿  
探知龍睡遇先逃曾于寶月求斤斧欲以春風代剪刀  
他日若稱詩宰相定應先後秉鈞陶

依韻和田虎通判兼呈呂防簽判四首

楚尾秦頭俗久移，豐穰仍值太平時。  
渚花盡日臨書幌，潭菊如今在酒卮。  
十里麝香行驛近，三竿紅日坐廳遲。  
愛君古錦囊中句，不負文忠國士知。

冉冉年光逐閨移，廳閒賓客坐多時。  
主恩未報空持橐，軍政無妨數舉卮。  
潘鬢雪霜何太早，傅巖霖雨不應遲。

原註近時鬚鬢稍有白者，時雨稍缺，現祈求。

頷珠竟被君探得，正值驪龍睡

不知

劇談終日少，文移幕府新。  
開盛一時羊酪未，妨留灌頂

蟹螯何苦負操卮

原註南陽多  
酌而無蟹

詩成醉裏遺忘易思發

花前屬和遲更許此生剛節在祇應惟有歲寒知

春花秋葉兩推移未有涓塵補聖時新識豹胎休負鼎  
舊成蛇足謾持卮山如水墨屏間見日向碁盤子上遲  
便使北歸應念此白鷗黃鳥盡相知

用田倅韻答孫勉教授二首

淺紅深紫旋教移直待開無空闕時花十八中看躡鞠  
玉東西外聽揚卮笙歌船舫天圍合燈火樓臺月上遲

顧我若非鄉曲遠定應長占此州知

原註時方上書乞四明

造化從他密密移聰明非復似前時暫披金甲為儒將  
曾燕珠宮對玉卮一日看回花恨疾三年生就葉嫌遲  
慇懃為訪春消息賴有羹梅探得知

用前韻答謝推官

小立桑陰尚未移便如相識已多時鋸沙我就玉界尺  
點礫君成金屈卮

原註君詩以屈卮自況

靈運自應為佛早退之

今恨學仙遲當年江左堂前燕卻又飛來未可知

依韻和趙令時

無事何妨數命賓一湖清境是西鄰  
栽花要與春為主對酒瞋將目  
借人詩就彩牋斜卷玉舞餘花  
椀倒垂銀由來景物常無價  
謾道錢多會有神

和朱昇朝奉

湖上尋常日一臨年華無用苦  
相侵夢隨蝴蝶悠悠覺日待蟾  
蜍款款沈醉裏笙歌傳盞疾  
壺中天地著花深回瞻象闕  
恩難報願盡平生一寸心

答張朝奉四首

赤松居處近州衙，況復詩情是作家。  
收得夕陽歸老境，破除春睡有新茶。  
年華一任隨流水，世事多應似落花。  
卻笑宦游閒不得，塵埃昏盡幘頭紗。

誰將兩制比三衙，千騎猶如布素家。  
何日龍巾容吐酒，而今紗帽自煎茶。  
十年膠柱空調瑟，三月羹梅始見花。  
醉裏不知身在此，夢魂猶傍御袍紗。

押了文書坐了衙，尋常行過祇如家。  
苦無公事妨攜酒，

賴有詩情得試茶，便到五更猶有月。算來一日可無花，  
垂綸更作輕鷗伴。坐看寒汀學綉紗。

門鎖尋常付守衙，穿湖曾不礙民家。慣看妙舞資豪飲，  
生怕清歌送好茶。山盃飛來圍著水，春休歸去帶將花。  
從教魏紫姚黃下也，合翬衣裏素紗。

依韻和孫勉教授菊花

芳叢宜密不宜疎，何事瓊花祇一株。苦勸白衣成醕酎，  
儘饒紅粉插茱萸。定應青帝稀曾見，端的黃金似得無。

便擬栽培伴桃李盡移春色入洪爐

依韻和李元中兼寄伯時二首

龍眠三李晦聲塵長望淮壖與海濱自古市朝成底事  
即今猿鶴伴他人細思南陌東阡月大勝千門萬戶春  
可惜欲歸歸未得不知家釀為誰醇

五丈河邊避俗塵閉門情味似漳濱拋離鵲渚今三歲

成就華嚴祇兩人

原註伯時畫  
華嚴元中寫

貧裏有時求得玉老來

無可奈何春平生共學王丞相更覺荀揚未盡醇



欽定四庫全書

陶山集卷三

宋 陸佃 撰

七言律詩

依韻和毅夫即事五首

昨日紅裳伴燕游，渚花爭好草爭柔。  
依稀黃鳥渾相識

期刻青山卒未休，風似去年摩翠幕。  
原註去年天穿日晚，蓮亦風。雨

分明日與芳洲，  
原註次日雨暹移會花洲。即今太守無佳句，空愧當

時采侯

卻笑元宵是夜游  
金針穿石綵絲柔  
萱堂帳幄間仍出  
幕府文書了即休  
顧我寶珠連合浦  
愛君仙果滿瀛洲  
誰知竝轡聊同俗  
拜後如今有魯侯

平明一雨阻重游  
風縐前溪綠謾柔  
況已上元連夜出  
不如寒食看春休  
弄珠灘漲平侵岸  
摸石江深抹盡洲  
自是苦陰無意思  
莫將潮信枉陽侯

十年京洛從宸游  
得郡終難繞指柔  
廬舍昔希三肯顧

亭臺今負四宜休，何人正在芙蓉島。  
有客空吟杜若洲，為問西街孔君子。  
設監那得似諸侯。

謝安攜妓是清游，玉瑩金尊十指柔。  
桃自三千年結子，鼇于六萬歲更休。  
猿啼謾想黃牛峽，鳳去空傳白鷺洲。  
我若他年封萬戶，祇來穰下作穰侯。

依韻和毅夫百花洲新橋

省中何必就尚書，且向新橋一振裾。  
嬌女頃嫌撐小艇，偏親今喜度安輿。  
假饒跨鯉終難學，除卻垂虹盡不如。

原註垂虹松江橋名

從此使衙烏亦好豈無遺愛在胥餘

原註事見尚書

大傳

答毅夫遺橘株之什三首

平生希慕范萊蕪恥把耕耘一問奴  
碑較智愚能幾里樹爭貧富沒多株  
報之瓊玖如投李遺以玕璜恍弋鳧  
傳語小城休負固元侯今後不言無

亭榭新修道不蕪豐年焉用橘千奴  
請教青帝留三月擬就嫦娥乞一株  
種玉水田飛白鷺泳珠風檻對沈鳧

便難圖畫猶爭看定是京西一路無

曾因書史翦繁蕪更與花王置木奴  
藍舊出師青萬頃竹新齊母綠千株  
睡餘枕簟屏開鳳飲盡尊壘勺用鳧  
一種梧桐亦遭遇翦封終愧內虛無

和毅夫倒用無字韻春詩四首

皇家寶歷萬年餘禮貌羣臣自古無  
龍馬已陪阿閣鳳鼎湖猶想裕陵鳧  
劉郎莫恨桃千樹匠伯應憐櫟一株  
猶喜後來門戶在小兒能賦崑

原註  
入聲

崑奴

一別勾芒僅歲餘不知今度老顏無管人憂喜何如鵲  
與世浮沈可奈鳧擬看芴頭花四朶更裁槐面樹三株  
若教上番成新竹須戒人家婢與奴

附庸新又進於餘

原註花洲中新為十花渚

欲共南鄰鬪有無橫列

谿山埋積雪臥開桃李映新鳧擬春玉白丹千杵更種

金鰲麥一株

原註西陽雜俎

從此有人殺亦有不煩公帑與官

奴

公錢雖少俸錢餘明日如今作會無況有鬘裙勝膾鯉

豈無鵝掌代蒸鳧慶歸子舍芝三秀官入卿曹棘九株  
聞說麗人推不去愛才何止十年奴

和毅夫病目三首

使君詩思謾雕肝安得頭風與阿瞞然艾為誰甘受痛  
看花緣此負追歡通天犀帶應憐瘦雲母屏風尚畏寒  
何日長安同一醉擬教歌舞衍華丹

詩戰空懷壯士肝未容旃旆累祁瞞竝遊曾許花含笑  
孤憤今慙樹合歡五朵謾將春色寄二篇還伴夜光寒

憑君休造斑貓毒且向三田養就丹

報君平日願輸肝常笑飛蝗累李瞞一雨固宜知上德  
是花猶可盡君歡孤根自識恩波煖老健誰爭氣候寒  
從此憂民免髭白卻疑甘澤是金丹

依韻和毅夫兒病

二毛蕭索未應羞謾說初懷弄瓦憂

原註毅夫嘗有詩云所憂惟弄瓦又

云二色 珠母光芒今吐月豹駒才氣已窺牛自知陰德

慙衰鬢

仙能學誰有靈符鬼可囚早晚病除聞藥喜與君詩酒



共清遊

易守建業毅夫有詩贈別次韻五首

太守無堪久借留君王恩禮與昇州親與自可時來往

漁唱猶能數

原註一作脩

獻酬

原註公在金陵有漁家傲十首

風色得經揚

子渡月明知在海棠洲北山楛木今成列獨傍師門想

見丘

凌晨寒日弄輝輝我旆東來子旆西對此銷魂兩無語  
恨初相遇一何稽梅花可惜空隨驛鷗鳥多應不下溪

猶有往來魚與鴈好將詩什當書題

紫案焚香拜敕黃無因久借蓋公堂不堪落日離魂斷  
賴有薰風引夢長吹律漸知寒谷暖賣漿曾值暑天涼  
他年果若成功去乞取南陽作鄧王

春渚秋潭不可尋回頭城郭礙高林但知自白三分鬢  
更與誰論一寸心紅粉淚痕消片玉故人情分重千金  
臨歧不忍醒時別一任玻璃酒盞深

誰信金陵刺史腸曾懷珠玉夜光芒一塵侍從才雖短

雙奉君親日更長得郡免營三釜粟過都容捧萬年觴  
遙知南北相望處風在檀欒月在棠

依韻和徐大夫鳳凰池九首

借山樓小已新奇更近東邊得鳳池一日未嘗無客過

百年今始有人知

原註案圖經鳳凰池百四十年前曾有刺史增修

舞餘裙帶

雙垂綠詩就珊瑚半露枝為問鷓鴣歸得未虛來阿閣  
已多時

使君年老強搜奇來傍吟牕擁被池明月清風初未覺

原註公詩有明月清風尚不知之句

白鷗黃鳥舊相知

原註佃昔嘗有詩句云白鷗黃鳥盡

相知水通河漢無多地鳳在梧桐第幾枝好是與民同此

樂豐穰仍值太平時

池就臺成竟大奇畫堂新燕亦差池人非楊柳看來瘦  
春有梅花探得知華髮漸驚強半白素娥曾與第三枝  
海邦莫道無賓客冠蓋如今盛一時

東君著力信神奇桃李中間水滿池定是祇教淮甸有  
若為長得泰州知

案佃在紹聖初落職知泰州詩即作于此時徐大夫未詳何人按其語意

蓋亦同時  
長官也

行藏正倚樓千尺  
勲業初橫草一枝  
投老尚堪驅使在問春  
何似少年時

公事稀疎已自奇  
那堪園更勝舒池  
誘將醉尹來無數  
禁得詩人瘦  
不知蝶夢幾隨蝴蝶  
遠鳳雛仍在鳳凰枝  
賞心樂事知多少  
雪月風花是四時

平生仕宦不求奇  
誰怕他人奪我池  
地勝更無塵可到  
天陰惟有病先知  
從教寶塔來當面  
消得雲樓為折枝  
看取鷗堂何似好  
夜深歌管月明時

老嬾由來怕立竒，偶然尋得舊家池。  
一州祇此為無及，累政因何盡不知。  
歌吹徹雲城百尺樓，臺侵夜火千枝。  
憑誰為報鶯花道，一日須來十二時。

彷彿華胥一夢竒，斬新樓閣舊城池。  
夜深猶有人家看畫寢，惟應燕子知。  
踈雨有時三兩點，好花何啻萬餘枝。  
諸公若肯相追逐，趁取春風爛漫時。

恰似蒲萄水亦竒，遊人多似後園池。  
壺中日在歸前落，醉裏詩成醒後知。  
芳徑綽開楊柳樹，小牆闌出杏花枝。

老拳毒手渾相若望立降旗是幾時

朝散

案宋官志朝散大夫從五品下朝散郎從七品下此云朝散似非即徐大夫據本集有和

查應辰朝散雪及贈新恩先輩之什疑是指應辰言而上下尚有闕文

使君竟亦不能竒賴有詩翁壯觀池二百年來無此作  
兩三人外有誰知魚應變化垂天翼鵲不經營墮地枝  
况復鳳毛如得鳳古來遭遇或同時

依韻和張椿

一年三十有餘旬最愛韶華是令辰坐久落花深一尺

睡餘淺粉看重勻  
況當諸縣無公事  
且與雲樓作主人  
今日與君俱白髮  
看花情味尚青春

依韻和查朝散贈新恩先輩

收得宮花上帶春  
綠袍仍共草爭新  
發揚杜老詩無敵  
蓋覆吳侯政不神  
平地彩雲看接武  
一天明月負垂綸  
怪來瀕海多儒士  
龍閣從來是里人

依韻和徐大夫

朱絲同直水同清  
紅袖何妨當使令  
可惜去年他處看



原註公去年  
不同此會

不知今夜幾州明年華老去知無補眉無  
初閒似有情且向雲樓拌共醉儘他燈火暮禽驚

### 中秋微陰

年年月色是中秋莫為今宵海上樓要得長圓真妄意  
放教微暗亦良籌步金甌上顏仍好顏玉山前德盡柔  
生怪嫦娥苦羞澀都緣瞋不強公遊

### 中秋用別韻答張椿兼呈徐瓘

偶被微雲掩素娥昏昏如似隔輕羅

原註是夕中秋  
有纖雲蔽虧

祇

應夢裏朦朧慣，可是秋來淡薄多。捨此豈無珠可玩，學渠猶有扇能歌。會須明夜分明在，況有詩人為琢磨。

依韻和查許國二首

重淵誰道探珠難，恰值驪龍睡重間。工部藩籬今夢草，司空門館舊銜環。心腸何啻吞雲夢，身手猶堪擘華山。況有舊家仙桂在，姮娥留著待君攀。

誰作明堂一柱看，謫官猶註罪中間。名成何必頻看鏡，道在終須得賜環。一片靈臺江上月，七株仙果海中山。

回頭為報姮娥道擬把高枝次第攀

寄龔深之曾子開

先生官冷久京華衣有塵埃飯有沙  
半夜尚聞親舊草一春長是負新花  
兩龔清潔推君子二陸文章屬當家  
更憶巷南曾學士坐將盤詰解聾牙

依韻和查許國梅花六首

臘月狐裘尚御黃靚妝先了為誰忙  
與春不足都緣淡教雪難知祇為香  
曾擁旌旗聞鼓角終隨彝鼎見烝嘗

少陵賴爾牽詩思得向詩中號帝王

水天清淺月昏黃傳語諸花未要忙  
詞客盡應相識早  
玉人誰有自然香祇承雨露尤消得  
况乃冰霜已備嘗  
未用夜寒吹玉笛切須丁囑與寧王

平日栽培土盡黃看來人自有閒忙  
池臺直下疎疎影  
簾箔中間淡淡香  
命說夢魂猶未破  
說湯滋味得先嘗  
憑誰為訪桃花浪  
何路能酬百谷王

妝閣無端畫月黃  
見他閒淡轉蒼忙  
隴頭惆悵經年別

衣上慙慙盡日香期刻莫將蓬鬢插思量消得瓠犀嘗  
若教梵竺諸天有何必龍華引象王

北牕高臥識羲黃靜看東君職事忙短帽上垂年少事  
淨瓶中養月餘香鏡鸞羞愧臨梳裏鹽虎推先在饗嘗  
試問古來誰可伴風流東晉有諸王

共月新成榜字黃使君霜鬢未須忙春前臘後千回顧  
天上人間一分香莊子夢魂休道識太公牙齒要須嘗

論功縱在姚黃下果子花中合是王

原註共  
月亭名

依韻和許安石

風和鵲喜就中靈忽報軒車到驛亭解得禮經歸指掌  
弄成詩筆勝丹青早年花萼光原隰今日芝蘭滿戶庭  
聞說龍州佳闕近蜀人先已望流星

從駕幸龍德宮

崇宋史徽宗紀元符三年九月己巳幸龍德宮時佃為吏部尚書詩

中第六句及註  
與史事正合

玉鎖晨開厚載門人家隨處著彫輪潛龍宮邸來惟舊  
復辟簾幃卷尚新深巷盡言窺日月麤官難得後埃塵

原註尚書非遊  
幸不許從駕

戴恩自覺丘山重願放鼇更六萬春

天寧節口號

原註亳州案宋史徽  
宗紀帝生日為天寧節

九天宮闕五雲新共向中間望紫宸  
几杖一千年父老衣冠三萬里  
君臣瀨鄉老子如今檜蒙縣莊生  
上古椿就祝聖君千萬歲過于天  
上壽星辰

寄彥猷閣老某前歲奉使還領揚州  
今彥猷亦自

境外歸得姑蘇

案宋史本傳佃以吏部尚書報聘  
于遼據徽宗紀在元符三年七月

逾年拜尚書右丞未嘗領揚州前此亦未嘗奉使  
此詩與紀傳不合疑非佃作或誤以他人詩雜入

者今姑  
存之

相望持節出盧龍  
繼踵分符別紫宮  
汲黯雖嫌棄為郡  
袁絲應憚久居中  
文章不見于時益  
出處何知與子同

紅藥萬株天下絕  
謝公來肯醉薰風

原註此州芍  
藥冠絕天下

和周邠朝奉

相見還如潁水濱  
不應衰邁久風塵  
幾回醉裏成狂客  
一向詩中作貴人  
故國生涯元自薄  
老來情分剩相親  
薦賢況有諸公在  
早晚除書下玉宸



新橋

碧光新近跨長橋  
免使遊人隔岸招  
想像蓬瀛今彷彿  
丁寧風雨莫漂搖  
少浮蛟蜃平生氣  
纔露虹霓一半腰  
明月滿天天似水  
直疑霄漢路非遙

題周中散至樂堂

一瓢到底勝珠玉  
萬籟由來當管絃  
盡日海鷗陪燕坐  
有時溪柳伴閒眠  
不知萱草憂何事  
今見蟠桃定幾年  
回首真人足官府  
劉安何苦要升天

丞相荆公挽歌詞

慣識無心有海鷗行藏須向古人求  
臯陶一死隨神禹  
孟子平生學聖丘  
雕菴想陪清廟食  
玉杯應從裕陵遊  
遙瞻舊館知難報  
絳帳橫經二十秋

呂申公挽歌詞

家世從來聳具瞻  
平生僚友憚方嚴  
挂閒麈尾清談罕  
傳盡龍髭老病添  
共惜一朝埋玉樹  
正當雙日下珠簾  
自慙曾借風雷便  
初與魚龍出滯淹

韓康公挽歌詞三首

熙寧初見築隄沙曾與千官聽白麻常棣行中排宰相

原註公家呼公為三相  
洛中相公為六相公 梧桐名上識韓家  
原註京師人  
呼桐木韓家

以別魏公 平生事業留青史一夜塵埃暗碧紗聞說手栽桃

李在春來應有萬株花

三台光耀紫微中康國仍兼萬戶封有子晨昏長侍膳

原註公子少卿未嘗出任常在左右 誰家兄弟盡登庸非關庚日曾占鵬

自是辰年併值龍  
原註公以辰年辰月辰辰辰時薨 他日凌烟求繪匠

願憑丹筆為形容

龍虎常瞻榜上名識公初向鳳凰城三千賓客知毛遂

原註晚登公門最辱知遇

五百人家待晏嬰

原註公分俸瞻族人甚衆

擬看玉書

容拔宅安知金鼎誤垂成後園履迹今蕪沒惟有清風伴月明

呂尚書挽歌詞

禍患相仍涕淚頻司空墳上草猶新鶴鴿花萼空餘子

龍馬圖書併失人

原註孫華老李公擇蔡仲遠王子難并公五人皆以是年卒

徧歷

名藩今始老長如寒士本非貧如何一日埋金椀獨向  
清時不秉鈞

蹇翁待制挽歌詞

仕宦聲名四十年歸心日夜望林泉文移竟負登山屐

牋記空隨過海船

原註上命儒臣草  
高麗書獨用公詞

花塢夕陽今逝矣

錦江春色謾依然傳家況有珠璣在會向人間月夜圓

程給事挽歌詞

桃花墳塢土新乾歎息高才又玉棺竟逐兩翁談笑盡

空留三老畫圖看異書會見傳吳市妙斲何知失郢墁  
聞說錦囊佳句在光芒猶伴夜珠寒

王聖美學士挽歌詞

使君政事與文章憂患平生亦備嘗資善故人今白髮  
邯鄲一夢已黃梁田園倚仗千株橘花萼飄零一樹棠  
聞說異書奇字在不妨分付與諸郎

魏國太夫人陳氏挽歌詞

門戶同歸太史評傳芳消息在瑤瓊鳳銜誥詔從夫貴

龍負圖書識父清  
金鴨火銷香自遠  
玉匳珠在月空明  
也知欲向華胥問  
炊盡黃粱夢不成

五言絕句

送李劭縣令

長官衫色暗玉雪  
久甘貧為問江西  
月如君有幾人

悼亡二首

門巷雨蕭蕭  
黃昏掩寂寥  
曲終人不見  
花落夢無聊  
燈火夜寥寥  
殘香不可招  
朱扉寒半掩  
金鴨煖全消

詠史

珠履三千兩金椎四十斤阿誰知狗盜卻解脫田文

七言絕句

景德寺攷試秋日即事四首

朝來爽氣雨初乾喬木陰陰鎖畫寒深院下簾風不動  
夕陽幽鳥傍闌干

秋聲一夜滿長安密雨疎風次第寒幽草落花歸思亂  
寂寥終日倚闌干



西風吹縞一池秋  
故殿疎簾半上鈎  
滿眼夕陽歸未得  
菊花桐葉伴人愁

看盡斜陽夕未還  
夜天如水斷雲閒  
玉樓咫尺無人去  
月上珠簾第幾間

又景德再攷試秋日即事

重來時節又秋深  
黃菊香中一炷沈  
渾覺去年無限恨  
物華人意總如今

試院夜雨思秦叔仲至呈信道

全宋詩卷三  
卷三  
秋聲秋色總無聊千里相思鬢欲凋獨遶曲廊花院閉  
夜深燈火雨蕭蕭

依韻和程給事贈法雲長老重喜

識字如今尚未深掃廊才悟便能吟法雲香火修行久  
夜半潮聲避梵音

送俞括知貢州

太守官清著破衫祗應泉水誤名貪遙知鴈足書難到

州在衡陽盡

原註  
上聲

近南

悼亡八首

索寞還尋靜處行  
物華如舊歲華更綠  
槐蒼檜曾相識  
想見英雄訝瘦生

深炷爐香淺點茶  
午庭愁寂下寒鴉  
佳人仙去無消息  
腸斷春風一院花

雪消姑射豐肌盡  
雲入陽臺短夢頻  
可惜舞衣猶粉黛  
不堪歌扇已埃塵

春遠落花隨水盡  
夜深明月向人圓  
崑崙欲使知無路

仙苑分明隔洞天

風月相望也不多  
祇應清淺隔天河  
欲憑烏鵲傳消息  
一度逢秋一度過

忽地輕紅四散飛  
尋常春色未應稀  
東風大是無情思  
吹落餘香便不歸

百花流轉逐浮萍  
柔質那堪殞  
妙齡畫手若能圖  
列女玉顏應許上丹青

淡紅濃紫總銷魂  
春恨無人可共論  
徒倚暮寒襟袖薄

落花門卷月黃昏

題李門下江行初雪圖二首

漁翁披得一漁蓑物色雖幽奈冷何長怪高宗問霖雨  
元來黔首要中和

須知元化仗丹青移得滄江在畫屏看取乾坤一般色  
可憐長短謾相形

題王允中至樂堂

顏巷雖貧樂有餘簞瓢終不換金珠長安大第連雲起

還有君家此樂無

傳神詩

富貴從來我自知  
商巖霖雨偶愆期  
祇應鬚鬢年來改  
不及高宗夢裏時

送陳初道錄

巉巖瘦骨欲成金  
雲鎖三茅洞府深  
莫遣桃花流水出  
等閒應被客相尋

陶山集卷三

欽定四庫全書

陶山集卷四

宋 陸佃 撰

劄子

乞添川浙福建江南等路進士解名劄子

原註元豐八年

臣伏見諸路州軍解額多寡極有不均如京東西陝西河東河北五路多是五六人輒取一人而川浙福建江南往往至五六十人取一人竊緣士人之盛無如川浙

福建江南今解名極少不無遺才其京東等路薦送之數太寬濫得者衆臣備員同知貢舉具見諸路舉人程文若五路試卷取至中等僅能滿數餘路雖中等以上取或不及契勘熙寧中更選舉制自五年以後諸科不許新人投下文字卻以諸科解名添充進士解額今開封府諸科消滅殆盡見已有解額二百四十人內除五十人近准朝旨添撥解發本府進士外尚餘諸科解額百九十人及諸路逐次科場諸科漸少並已增解進士



緣五路進士見今解名極寬欲乞特詔有司許將開封諸科所消解額百九十人并自今諸路消到諸科合增解進士名額并于川浙福建江南等路舉人至多解名極少州軍量行均撥所貴五路州軍不至濫取餘路解名窄狹去處得以兼取取進止

乞立武舉解額劄子

臣伏覩朝廷選舉之制雖備而諸路武舉未有解額遇有科場止是兵部牒官文臣自提點刑獄武臣自路分

都監以上各保舉一名于兵部類試其間寒素之士或  
難得知舊論薦往往有妨應舉欲乞令有司立法每遇  
科場許于逐路轉運司類試量行解發兵部更不牒舉  
所貴寒素之士得由藝業以公自進取進止

乞潁州第一劄子

臣昨自官制肇新叨塵侍從迄今首尾已及九年未嘗  
更歷外任重念臣仕進甚寒羈危少與蒙先皇之識拔  
荷二聖之保全仰辜休明無所補報矧煩言之可畏亦

孤植之易搖願假一麾少圖寸效欲乞除臣知潁州一次伏望聖慈特賜矜允

第二劄子

今月二十四日伏奉聖詔以臣乞知潁州未賜俞允訓辭深厚非臣所能副稱而區區所懷義不敢止者誠以臣更練尚踈踐修未至久編鉅典嘗講多儀猥次成周之天地官實慚太史之牛馬走坐貪榮寵彌歷歲時已負難酬之恩尚晞易退之節敢再干于宸陛願一試于

藩維庶宣教條少贖尸素

第三劄子

今月二十七日準尚書省劄子以臣乞知潁州伏奉聖旨依前降詔書不允聖恩深厚未賜矜從而下愚難移輒復有請者實以臣子許國命雖甚輕士人潔身義亦自重矧惟孤進曾乏兼長偶緣遭逢猥致超越久叨塵于法從深辜負于明時雖荷并容未加捐棄粗識盈虛之常數庶全去就之大方況復鳧鴈集不為之寡多燕

雀飛無繫于輕重更叨紫微之邃願成清潁之行惟仗  
忠誠冀回聰聽

乞明州劄子

臣輒瀝懇誠上干天聽臣昨知潁州伏蒙聖恩就移今  
任寄委增重寵榮至深非臣所能副稱重念臣生于東  
南寒鄉偏親懷歸惓惓在念臣初不敢遽有所陳龜勉  
從事迄今已踰半年稽之昔日國爾忘家雖曰公義而  
將母來諗亦容及于私恩方當二聖臨御純體仁孝徇

萬物之至情各獲分願是臣得以私恩控愬之時伏望  
聖慈特許差臣知明州一次異日如蒙朝廷別有繫使  
自當糜捐仰圖報效臣無任

辭免吏部侍郎劄子

原註元符  
三年二月

臣昨在任准正月二十九日尚書省劄子已降告命授  
臣試尚書吏部侍郎今依條交割職分公事訖乘遞馬  
發來赴闕臣今已至祇候朝見聖恩深厚非臣糜捐所  
能報稱竊緣天官之貳所繫非輕宜得實才以副任使

如臣虛孱已試不效苟貪榮寵昧冒而居恐累聖神知  
人之明所有告命未敢祇受

蔡州召還上殿劄子二首

原註元符  
三年二月

臣竊惟聖君踐阼要在正始正始之道當自朝廷朝廷  
一正四方遠近莫敢不一于正記曰朝廷曰退燕遊曰  
歸師役曰罷蓋用師役未有不罷者也燕遊有出而無  
歸則縱朝廷有進而無退則爭又曰朝廷之美濟濟翔  
翔所謂濟濟舜命九官是也所謂翔翔而後集是也

朝廷之上公卿大夫如此可謂美矣竊見近時學士大夫往往競進務相傾奪以善求事為精神以能訐人為風采以忠厚為重遲以靜退為卑弱相師成風莫之能止正而救之實在今日恭惟陛下憲天聰明深燭民隱修明百度首以人材為急而臣逮事神考元祐補外迨今一紀陛下即政之初首加識拔此臣夙夜未知所以論報之方區區愚忠不能自己伏望陛下慎初謹始正自朝廷眷忠厚之臣擢靜退之士使躁輕者革心浮薄



者易慮建用皇極布宣中和以熙百志以凝庶績以迨  
唐虞三代之治臣愚不勝願幸取進止

臣伏覩陛下即政之初乾清坤夷玉燭明潤臣民欣戴  
無有遠邇惟知鼓舞懽呼恭惟陛下仁孝恭儉粹然天  
成聖神之姿人久屬望加以溫恭好問學有光明方將  
紹承謨烈以登太平如臣凡陋首與收召臣誠不自揆  
願効涓塵之微竊見神宗皇帝聰明文思延登真儒建  
立法度布在四方以幸天下後世而元祐之際輒見詆

譏紹聖以來又皆稱頌夫事無當否一切紛更國有常刑固在不赦然理有損益不無賡續惟務稱揚亦已過矣爾雅曰賡揚績也夫績前人不必因前所為利則賡之善者揚焉是為善績詩書所稱後世詠歎不息是也若元祐紛更是知賡之而已不知揚之之罪也紹聖以來率皆稱美是知揚之而已不知賡之之過也伏願陛下咨謀人賢詢攷政事有賡有揚以績大前人之光惟其時物與其當之為貴大中之期實在今日伏惟聖神

采擇取進止

舉臺諫官劄子

原註元符三年三月二十五日  
上二十八日諤以右司諫召

准元符三年三月初五日尚書省劄子奉聖旨臺諫官  
員闕甚多內外兩制以上可各選舉合入通判以上資  
序朝官須學問該博操履端方德義著聞明于治體可  
任言責三人密具姓名聞奏右臣伏覩承議郎樞密院  
編修文字王渙之承議郎孫諤奉議郎前太學博士呂  
益柔問學該通行義修飭兼明治體守正不回可任言

責謹錄奏聞謹奏

辭免修哲宗皇帝實錄劄子

建中靖國元年六月准閣門告報伏蒙聖恩授臣哲宗  
皇帝實錄修撰者聖知益厚非臣九殞所能報稱竊念  
臣昨嘗預修神宗皇帝實錄以不稱職擯斥累年辜負  
裕陵識擢之恩已試不效循愆省謬慚悔迄今傷禽驚  
弦痛定猶怯戰蟻奔北語勇甚慚私義未安禮當披懇  
伏望天地之造父母至恩憐其誠心非為偽飾改求俊

又免誤使令所有敕命不敢祇受

又尋准尚書省劄子

原註奉聖旨修史事先朝已自辯明更不許辭免翼日兼

修神宗皇

帝寶訓

臣伏奉聖詔以臣辭免哲宗皇帝實錄修撰不允者天  
光照融下監幽隱虬蟬有蘊雖小得伸竊以秦陵之書  
將示無極摹寫治象精神為難如臣荒蕪久廢筆硯文  
從字順與年俱衰揆稱度宜實不堪可重念臣頃在紹  
聖類雖播遷中靡他腸敢懷纖芥尚懼愆尤未蓋志行

未孚僉言未諧

案此下當有脫  
文今無從校補

辭免奉使大遼劄子

竊念臣犬馬之齡行將六十艱難末路血氣日衰外雖  
虛憊中實疲瘁兼以生長吳越但諳炎蒸既未嘗冒大  
寒又不任久乘馬雖欲黽勉有所不能川途阻脩必致  
疾病一誤國事罪悔難逃伏望恩慈特賜矜免

狀

辭免資善堂修定說文成書賜銀絹狀

今月一日准學士院送到詔書伏蒙聖恩以臣修定說  
文書成特降獎諭賜銀絹五十匹兩者義有未安雖榮  
而愧竊念臣預修字訓初誤選掄問學淺微良淹歲月  
偶天與幸遭值獨深編摩甫終已陟嚴近雖使古之真  
賢克生聖世因時際遇善建勲庸受恩若此未易云報  
況如臣愚才劣于志雖誓報稱不知所為區區一書何  
足言者敢圖聖慈復有褒賚仰承明詔光賁大矣藏示  
子孫永以為寶所有銀絹不敢祇受

辭免集賢校理狀

原註元豐二年初有御批付中書陸佃資性明敏學術瞻博可

除集賢

校理

竊念臣賦材昧陋涉道淺迂比蒙聖知拔自孤遠講求  
字訓參議禮文歲月既多無所補報校讎之職以待俊  
良顧臣無堪何足以當陛下獎擢之意所有敕命不敢  
祇受

元豐轉對狀

臣伏覩朝廷所修敕令實一代之典必令文簡而該貫



之事備乃可成書以參先王垂法後世惟該貫之事備而文簡則其因革增損離合與其所以去取之意別載看詳雖可攷知緣頒行之際止是淨條而看詳之文不出自非有司曉習法令以其文簡不無疑者旋稟朝廷即成迂滯若便以意推行又或不皆當法欲乞候今編敕書成布之州郡并以看詳之文與之庶幾官吏得知因革增損離合與其所以去取之由推行無惑不至違誤謹錄奏聞伏候敕旨

乞宣仁聖烈皇后改御崇政殿受冊狀

原註內批并詔附元

祐二年二月寒食假中御入此奏假開即聞批付三省又五日遂降詔

今月二十日奉敕

原註節文

太皇太后受冊依章獻明肅皇

后故事詳定儀注而臣愚區區輒抱螻蟻之誠有不能自己者伏惟太皇太后陛下自同聽斷以來保護聖躬裁決萬務敬天愛人動懷謙畏至公至明度越前古尚慮臣下未能將明聖意一切檢用章獻明肅皇后故事弗加討論萬一典制闕失或累聖德故臣愚區區輒慕

古人事上篤于愛敬之義竊見天聖中翰林學士李維  
等嘗上章獻明肅皇后御宗政殿受冊儀注後雖改御  
文德緣文德外朝在紫宸垂拱之外故至今公議猶以  
維等所定儀注得禮之中惜其不果施行方當太皇太  
后陛下至誠虛心每事求當乘此嘉會或蒙收採特詔  
有司改御宗政受冊一明內外之辨自我神母垂訓萬  
世不勝大幸況于盛德至仁有光無損臣職在禮官苟  
有所懷義當罄竭不敢輒以愚昧自止亦冒國恩深厚

思以涓塵求助海嶽仰瀆聖慈臣無任惶懼隕越之至  
謹錄奏聞謹奏

貼黃

臣見候假開即集禮官依敕以章獻明肅皇后故事詳  
定儀注今來所陳只乞作太皇太后聖意批出伏望聖

明曲加矜擇

原註三月二日內批將來受冊有司雖檢用章獻明肅皇后故事當御文德殿顧予

涼薄豈敢上比章獻明肅皇后所有將來受冊可只就崇政殿宜令三省敘述此意降詔施行仍先具詔本進入三月七日詔祥禫既終典冊告具而有司遵用章獻明肅皇后故事當受冊于文德殿雖皇帝孝愛之意務

極欽崇而朝廷損益之文各從宜稱仰惟章獻明肅皇后輔佐真廟擁祐仁皇茂業豐功宜見隆異顧予涼薄絕企徽音稽用舊章實有慚德  
所有將來受冊可只就崇政殿

### 赴江寧府過關乞朝見狀

臣昨知鄧州伏奉敕命就移知江寧府竊念臣偶遭聖時久備法從今路由京關伏望聖慈特許依例朝見訖前赴新任臣見迤邐起發沿路聽候指揮次伏候敕旨  
赴江寧府乞給假迎侍狀

臣伏蒙聖恩移知江寧府竊念臣本貫越州臣弟傳昨

自鄧州侍偏親先歸契勘越州去江寧府不至迂遠欲  
乞暫給假至鄉里迎省前赴新任伏望聖慈特賜矜允  
伏候敕旨

赴蔡州過闕乞朝見狀

今月十三日伏奉告命蒙恩授臣集賢殿修撰知蔡州  
竊念臣一違省曹十換年籥身在湖海神馳闕廷勘會  
淮康軍路由國門出陸伏望聖慈特許臣朝見訖發赴  
新任臣不勝惓惓螻蟻之情見迺邇前至南京以來聽


候指揮伏候敕旨

舉進士王昇狀

原註建中靖國元年

臣伏見睦州進士王昇秉義甚高操行至美年幾五十讀書未娶訪求師友徒步千里焚膏繼晷率常達旦逮今二紀祇如一日衆經羣史諸子百家無所不讀雖佛經道藏亦皆博極其事親孝奉兄悌喪親水漿不入口者累日寢食如禮使推所蘊更政閱事必有可觀方當陛下紹隆聖考求賢以任擇善而使如昇者宜見收錄

伏望聖慈特賜詢察如臣所稱不誣乞賜檢會陳師道家素等授官體例除昇一命處之學校以勸多士取進  
止



陶山集卷四